

Arubiano Efrem Benita a gana Eurovisie Songfestival

ORANJESTAD - Su presentacion a duo cu Tanel Padar a dune 21 punto riba e di dos lugar, ganando asina e festival di cancion Eurovisie cu a tuma lugar na Dinamarca den fin di siman.

Na Estonia caminda e ta residencia y pais cu el a representa, y awor na henter Europa, Efrem ta conoci pa su nomber artistico di Dave Benton. Pero pa nos aki na Aruba ta e Efrem Benita di Dakota.

Den un articulo Hulandes a sali ya caba publica entre otro cu e victoria di Benton ta wordo considera di Hulanda ya cu e ta posee un paspoort Hulandes y cu e pueblo di Aruba ta sintie masha orguyoso cu e resultado di e Eurovisie Songfestival ya cu Efren Benita alias Dave Benton ta di origen Arubiano.

Minister di Turismo, Asuntonan Economico y Cultura, Dr. Lili Beke Martinez a felicita Benita den nomber di Aruba. "Ta pa nos un sorpresa grandi y bon cu un hende di Aruba a gana e festival aki. Den nomber di henter pueblo di Aruba mi kier a felicita sinceramente Benita y desee hopi exito den futuro. Nos ta hopi, hopi orguyoso di dje," e mandatario a bisa.

Padar y Benton a interpreta e tema 'Everybody' den estilo di Blues Brothers logrando asina e prome premiacion pa un nacion Baltico den e competencia aki.

Na di dos lugar a keda e pais organisador, esta Dinamarca cu un duo tambe, Rollo & King y e tema 'Never Let You Go.' Hulanda a keda te na di 18 lugar representa pa e cantante Michelle.

